

799 Memor esto semper illius apostoli dictum, qui ait: 'Novitates vocum devita'.
 1. Tim. 6, 20. Ecce qualis novitas est Christum, qui ex virgine natus est, adoptivum filium vel nuncupativum Deum predicare et nominare; et apertissimis apostolice auctoritatis testimoniis non credere, sed magis adversari, qui ait: 'Qui proprio filio suo non pepercit, sed pro nobis omnibus tradidit illum'. Potuitne dicere apostolus: 'qui adoptivo filio suo non pepercit', si voluisset nos illum credere adoptivum, qui traditus est pro salute nostra? Item ipsa veritas in evangelio ait: 'Sic enim dilexit Deus mundum, ut filium suum unigenitum daret'; de quo et paulo ante ait: 'Sicut enim Moyses exaltavit serpentem in heremo, ita exaltari oportet filium hominis'. Et quid est, quod idem apostolus in alio loco ait: 'Quorum patres, ex quibus Christus, qui est super omnia Deus benedictus in saecula'? An et hic non potuit dicere: 'qui est nuncupativus in saecula'? Non enim in Christo sicut in quolibet homine generatio est — homo enim quilibet filius irae nascitur, sed post in baptismo gratia sancti Spiritus in filium adoptatur Dei — sed statim in ipso conceptu conceptus est filius Dei, et natus secundum temporis opportunitatem verus filius Dei. Similiter et non est in Christo divinitatis maiestas sicut in quolibet homine episcopalis dignitas verbi gratia — non enim apostolus Petrus apostolus est natus, sed postea a Deo electus; sicque^a quislibet episcopus non est episcopus natus, sed post nativitatis opportunum tempus electus in episcopatum et ordinatus — sed statim in ipso conceptu et nativitate Deus verus natus est Christus et proprius filius Dei, non adoptivus^b filius nec nuncupativus deus. Firmiter absque omni dubitatione credendum est et praedicandum eundem esse, qui natus est ex virgine, deum verum in duabus naturis et verum filium Dei; ita ut unus sit Christus et unus Deus et unus Dei filius, et unus rex et unus totius mundi salvator, divinitate consubstantialis^c patri, humanitate consubstantialis^d matri, ut sit idem verus Deus et verus homo in unitate personae. Nam et ipse tempore passionis suae, adiuratus a pontifice, filium^e se Dei esse confessus est. Et multa alia^f habemus testimonia in sancto evangelio, quae ubique eum^g filium Dei esse testantur. Percurre omnes paginas evangelicae auctoritatis et epistolares sententias apostolice dignitatis vel omnium sanctarum scripturarum series, et quicquid in illis invenies^h, hoc fideliter predica. In his sufficiat et gaudeat tuae sanctitatis sensus, ut dignam catholicae fidei et praedicationis in aeterna beatitudine mercedem merearis recipere.

Obsecro te humiliter per sanguinem redemptionis nostrae et per terribile ultimi diei iudicium, quatenus huius cartulae sensus et syllabas, si in tuae beatitudinis manus perveniantⁱ, digneris dirigere per sanctos Christi sacerdotes ad^k sublimia ecclesiae lumina, quae sunt in partibus Spaniae^l. In hoc enim cognoscitur, si amorem habeas veritatis et universalis ecclesiae coniunctionem, si haec, qualiacumque sunt, caritatis fraternae^m scripta fideliter conservorum tuorum auribus aperire desideras et illos in unitate catholicae pacis confirmare.

Dicam iterum et cum omni humilitate dicam, saepiusque repetens: Evigilemus, viri fratres, ad tubam totius mundi. Ecce clamat vas electionis, praedicator gentium, secretarius caelorum contra omnes novitates vocum, dicens: 'Sed licet aut angelus de caelo evangelizet, praeterⁿ quod evangelizavimus vobis, anathema sit. Sicut praediximus, et nunc iterum dico: Si quis vobis evangelizaverit praeter id, quod accepistis, anathema sit'. Ecce quanta fidutia praedicatoris mundi est in sua praedicatione, ut non solum hominibus anathema indixit, si aliter praedicassent, quam ipse praedicaverat, sed angelis quoque anathematizavit^o, si novi aliquid inmisissent in praedicationem

^a) si qui *P*, sicut *Q*. ^b) adoptivus *P*. ^c) consubstantialem *P*, *Q*; consubstantiale *Pa*. ^d) consubstantialem *P*, *Pa*. ^e) se filium *Pa*. ^f) talia *Pa*, *Q*. ^g) cum *Pa*. ^h) invenias *Pa*, *Q*. ⁱ) pervenerit *Pa*. ^k) et *Pa*, *Q*. ^l) Hispaniae *Pa*, *Q*. ^m) fraterna *Pa*. ⁿ) vobis praeter *Pa*. ^o) anathema minavit *Pa*, *Q*.